

**N. N. Plavilstshikov.**

**Species nova subgeneris *Obereina* Ganglb [Col.].**

***Phytoecia (Obereina) pravel*, sp. n.**

Nigra; elytris luteo-pallidis, marginibus laterali et suturali, apice basique brunnescentibus, humeris macula parva nigra ornatis; pedibus rufescente pallidioribus, femoribus mediis et posticis in dimidio basali, tibiis posticis in dimidio apicali et tarsis brunneis; femoribus anticis basi tibiis anticis et mediis apice brunnescentibus. Capite pilis albidis dense vestito pilisque erectis subalbidis obsito. Prothorace latitudinem suam vix longiore, nitido, sat grosse, sed non dense punctato, vitta mediana vittaque utrinque laterali dense albido tomentosis, pilis erectis albidis non longis obsito, utrinque plicâ latâ subfortiter arcuatâ, nitida, predito. Elytris pilis albidis sat dense tomentosis, seriatim, in dimidio basali grosse, in dimidio apicali multo laeviter, punctatis, epipleuris in triente basali pilis albidis erectis vestitis. Scutello dense albido tomentoso. Pedibus non longis, tibiis posticis distincte dilatatis.

Long. corpor. 7.2 mm, lat. in hum. 2 mm.

♂ Antennis elytrorum apicem manifeste superantibus.

♀ mihi ignota.

Patria: Transcaucasia: Ordubad ad fl. Araxis, VI (Reitter olim leg.—1 specimen (♂) in coll. mea).

Ab omnibus congeneribus corpore brevior, tomento elytrorum, prothoracis, abdominis pectorisque, sculpturam prothoracis elytrisquesatis discrepat.